



# Arubaanse Courant

Anja 25

DIAMARS 21 APRIL 1964

No. 5016.

## Prinses Irene ta casa 29 di April

### La Reina lo ta ausente

HILVERSUM, 20 april. - Den e rubrica dje "KRO" (Corant di bisinja), foi ayera nochí nan a publica fecha di casamentu di Princesa Irene y Principe Charles Hugues. Den e rubrica aki a ser participa cu Princesa Ire-

a ser participa cu e Princesa y su comprometido a bishita e astrologo Frances Andre Rabs na Paris. Foi varios tempuesaki tabata interesa den destino di loke e ta llama comprometido-nan dramático.

**FATUM**  
Pa tur bo aseguranan  
Tel. 1845

Ya el a drecha nan cartanan astrologico, pero tabata falta varios detalle manera ora y lugá di nasimentu di Principe Hugues y Princesa Irene. Des-



MENTHOL FRESH

RICH TOBACCO TASTE

MODERN FILTER TOO

pues el a hanja e material aki. E astrologo aki a participa e pareha comprometi cu Charles Hugues de Bourbon Parma lo bira Rey. E por reina hasta dos biaha. Irene y su comprometido tin un bon chens, segun Andre Rabs, di soluciona tur nan kestion y dificultadnan pero pero qu condicion, qu nan lo casa dia 29 di april. Si nan casa e dia aki Hugues por wordu corona hefe di estado. Segun e astrologo nan lo tin dificultadnan na cuminsa-solamente tin relacion qu herencia di Princesa Irene. E astrologo tambe a declara qu si e pareha no casa riba e fecha qu el a stipula, ta posibel qu jamas nan lo casa.

Principe Hugues a wordu pone pa e astrologo na altura dje fecha critico aki y ta parse qu el a asegura qu e lo tene cuenta qu e fecha aki. Tambe astrologo di Paris a anuncia, qu La Reina Juliana lo asisti ne casamentu di su ju, pero no sin hopi dificultad dje parlamento Ulandes, segun "Corant di Bisinja."

Den Haag - Segun a worde informa, Mgr. Beltrami, nuncio papal na Den Haag, a participa e agencia catolico Ulandes di prensa cu

ta stipulo cu cardenal Giobbe lo bendiciona e matrimoniodi Princes Irene y prins Hcharles Hugues di Bourbon - Parma. Ta stipula tambe cu e bendicionamenteu di e matrimonio ta un asunto personal y no ta sosode na number di papa Pablo.

Segun e agencia Frances di noticia "AFP" ta anuncia, vaticano a confirma cu bendicion di e matrimonio lo tuma lugar dia 29 di April den e capilla Soghese di e basilica di Maria la Superiora.

- E casamentu di Princesa Irene y Principe Hugues Charles de Bourbon Parma lo tuma lugar dia 29 di april proximo na Roma.

Segun Principe Xavier de Bourbon Parma, tata di comprometido di Princesa Irene a participa awe.

Foi e anuncio aki a resulta qu Principe Irene ta casa riba e dia

promé qu aniversario di su mama. Manera anunciá gobierno Ulandes lo no permiti qu su mahestad lo wordu envolve den kestionnan politico, asina qu ta kasi sigur qu La Reina lo no asisti na casamentu di su ju.


NIJMEGEN. - E comite provisional bou di direccion di Dr. Gribling cu tin como intencion pa ofrece prinses Irene un regalo pa su matrimonio, a dicidi, pa apesar di e desarollo-nan di fin di siman cu a caba, duna ehecucion na e plannan original. Tin un cuente bancario na un banco na Nijmegen. Diahuebs e comite definitivo lo worde forma.

E kamerheer di cardinal Giobbe a declara na Roma di no por confirma qu cardinal a hanja orden di qu pa bendiciona e casamentu di Princesa Irene y Don Carlos. El a agrega qu e cardinal y su secretario no ta disponibel pa comentario. E agencia Italiano di prensa "Ansa," a anuncia qu cardinal Giobbe te awe nochí no a hanja ningun orden di Papa, manera ta anuncia na Paris.

ricibi ayuda valioso di sr. Addison Croes, kende a regala un gran cantidad di materialnan di construccion.

E entrego di e cas renová a tuma lugar ayera mainta den presencia di e damanan Walfenzao, A. Profeet, A. de Veer, F. van der Bleest Eman di e comite y tambe sres. C.A.G. Profeet, J. de Castro, G. de Veer na number di Sociedad Bolivariana y sr. Isidro Lopez. Otro presentenan tabata srtas. Nora Eman y Filomena Lopez.

Palabra a worde dirigi door di sr. Profeet, como cu e tabata presidente di Sociedad Bolivariana tempu cu e iniciativa aki a nace y despues door di sra. Walfenzao. Ambos a expresa nan satisfaccion di a por contribui cu un persona den necesidad, a worde yudá. Tur esnan cu a pone nan



### ATHLETE'S FOOT?

use

Absorbine Jr

America's No. 1  
Athlete's Foot Formula

At the very first sign of raw, red cracks between your toes... apply liquid Absorbine Jr.

Laboratory tests showed Absorbine Jr. killed 100% of Athlete's Foot fungi in test tubes in less than 5 minutes!

Use Absorbine Jr. regularly!

Available at all Drugstores.

Agents:

Marchena, Moren &amp; Co. N.V.

schouder bau di e "proyecto aki" y di e manera ey a contribui cu e por a ehecuciá rapidamente - es decir tambe e dama cu diasabra merdia ultimo a duna sr. Alfonso Mirep di Sociedad Bolivariana un suma di F. 5,- pa e cas aki - a worde gradici cordialmente.

Ambos orador a bisa cu nan ta spera cu sra. Willems logozá hopi anja mas di su casita, cual atrobe ta den un estado pa soporta awa y biento. Cu hopi abrazo cordial, a worde tumá despedida despues di un ora.

### ACCIDENTE CU HOPI DANJO

ORANJESTAD, 20 april. - Banda di 7'or diabiernes anochi a tuma lugar un accidente automovilistico, caminda Verbindingsweg ta sali den Nassastraat. E dos autonan cu a dal contra otro tabata A-6871, maneha door di J.N. y A-3940 cu C.V. tras di stuur. E señora, un yiu y e suegra di N. a haya heridanán leve, mescos cu e chauffeur V. Despues di a worde examiná na hospital, tur por a bai cas. Causa di e accidente ta cu no a worde duná preferencia. E danjo total ta worde calculá na un suma di f. 1500,-.

### Cas na Macuarima a worde entrega

ORANJESTAD, 20 april. - Door di e Seccion Femenino di Sociedad Bolivariana bau direccion di presidenta sra. A.G. Walfenzao y tur otro instancia cu tabatin di haber cu e "proyecto" caricativo aki, a worde entrega ayera e cas Macuarima 43, cual a worde restaurá door di contratista Isidro Lopez y su hendenan, na e habitadora Petronilla Willems, kende tabata sintié de lo mas feliz.

E cas, cu algun tempu pasá tabata pa bini abau, actualmente a worde transformá den un excelente casita, mas bunita cu jamas sra. Willems lo a pensa di tin, gracias na e ayuda cu a worde ricibi di hopi banda, pero especialmente gracias na e excelente trabao di sr. Lopez. Atrobe nos ta mira un caso aki di necesidad urgente y di

ayuda inmediato.

Mescos cu den e caso di e cas di sra. Maria Jack na San Nicolas, atrobe tabata aki e Seccion Femenina di Sociedad Bolivariana, cu a haci tur esfuerzo y a logra cu sra. Willems no a worde sacá door di autoridadnan for di un cas, cu tabata casi pa bini abao. Fuera di e Seccion Femenina y sr. Lopez, tambe a worde

# SPAAR E PARHANAN DI ARUBA, NO MATANAN

## PRES. Y SECR. DI A.S.B. TA TUMA RETIRO

Tanto president Francisco Rincones como secretario Horacio Oduber di Aruba Softball Bond a pidi nan retiro for di directiva di Aruba Softball Bond. E dos trahadornan aki pa e deporte di softball a duna como motibo den nan carta oficial cu ta pa "motibo personal", pero ta bon conoci cu e decision aki ta consecuencia di e hecho cu dos di e shete miembronan di directiva, a viaha pa Sto. Domingo cu e delegacion di volleyball cu a bai hunga aya.

Segun informacionnan obteni di e dos cabayeronan aki un siman promer cu yegada di e delegacion donunciano di softball cu a hunga durante e weekend na nos isla a worde reparti den un reunion di directiva e trabao cu cada un di e miembronan di directiva mester haci en conexion cu e organizacion di e encuentronan internacional aki.

Despues di esaki nan a hanta informacion cu un di e miembronan di directiva ta na Caracas pa motibo di trabao. Un otro miembro di directiva Francisco Chirino luego a informa nan di su intencion di bai Sto. Domingo hunto cu e delegacion di volleyball arubano, "ya cu el a ricibi un invitacion pa bai."

Apesar cu esaki lo a nifica cu e trabao cu e miembro aki di directiva tabata encarga cune lo worde haci door di otro miembro e president y secretario por a acepta e participacion di Chirino sin protesta. Pero despues nan a haya informacion cu otro miembro di directiva tesorero Didi Wever tambe tin intencion di bai Sto. Domingo. Esaki a worde confirma na nan y ambos a haci esfuerso pa convence uno di nan pa keda Aruba ya cu tin cos di haci en conexion cu eyegada y weganan contra di Sto. Domingo. Pero e esfuerzonan tabata en vano y tanto Chirino como Wever a mantene nan decision di haci e trip pa Sto. Domingo.

Indigna door di esaki y considerando cu e dos miembronan aki di directiva ta laga interesnan di e deporte di softball para un banda pa haci un viahe personal, ambos a dicidi di manda un carta y pidi retiro como miembro di directiva.

Manera ya nos a expresa na ambos deportistanan aki, nos ta considera e paso tuma door di ambos di nan demasiado drastico y cu no a yuda e situacion critico den ningun sentido.

### Dos acusadonan M.W.K. a worde absolvi

Oranjestad, 20 april - Diavienes mainta Huez den prome instancia a absolve e Mericano R.H. Gerente di e compania constructora MWK, y e verdó hefe C.J. V.D. W. di loque nan a worde acusá, esta morto door di culpa.

Ambos señores a worde acusá di esaki en conexion cu un accidente di trabao durante e extension di e planta electrico na Balashi. Door di un explosion den un tubo, cu tabata worde limpiá door di trahadornan, a fallece e dos empleadonan di MWK Vicente Willems y Luis F. Croes.

Dos siman pasá durante e tratado di e dos acusadonan, mr. P.V. Sjiem Fat, a requiri absolucion.

Nos por comprende cu nan nota considera husto cu dos miembro di directiva ta bai for di e isla net ora cu ta bin Aruba un delegacion cu cual e directiva tin trabao di haci. Tambe nos ta considera cu no tabata necesario pa ambos miembro di directiva bai y cu uno por a keda atras pa yuda cu e organizacion.

Pero parece nos cu tabata mihor si e president y secretario a haci ike awor e otro miembronan di directiva a haci busca un of dos persona mas pa yuda nan.

Luego nan por a trece e asunto aki adianti den un reunion di directiva y den un reunion general, pa reporta loke nan ta considera falta di cumpli cu e debernan di miembro di directiva Aruba Softball Bond, cu ultimamente ta mustra hopi actividad organisando su campeonato anual y diferente torneonan, despues cu pa varios anja e deporte tabata den un sonjo invernal, a drenta pues awor un crisis innecesariamente.

Ta di spera sin embargo cu esaki lo ta di caracter masha temporal y cu pronto e problema nobo aki ta pertenece na pasado.

Interes di e deporte mester prevalece y pa e motibo aki nos ta spera cu tur e clubnan concerni lo tuma accion pa pronto tin un directiva completo y mas activo atrobe.

Fiscal S.H. Tjon Ajong luego a declara cu e accidente tabata debi na culpa di e dos acusadonan, pero cu toch e mester a requiri absolucion, pasobra durante interrogacionnan e motibo exacto di e explosion no a bini na cla.

E absolucion aki a worde confirmá diavienes mainta door di huez.

### Dos anja y mei pa hortamento cu violencia


ORANJESTAD, 20 april. - Diavienes último Huez di Gerecht in Eerste Aanleg a duna sentencia den e caso contra V.A.M. kende den e anochi di 27 pa 28 di october a dal E.M.S. na San Nicolas cu un palo riba su cabez y ora e victima a cai abao, a horta tur su placa.

E hortamento tabata motivo di e hecho cu ambos homber e anochi ey a sinta hunga placa den un cas di wega na San Nicolas y S. a gana e placa di M. Fiscal a exigí un castigo di cinco anja.

Den e acusacion e crimen aki a worde yamá "hortamento cu violencia contra un persona pa prepara of falcita e robo". Tratamento di e caso a tarda hopi, prome cu huez a duna sentencia diavienes último. accidente cu hopi danjo

# KNSM

*your line*



TELEPHONE 1777-3 LINES

SCHEDULE OF ARRIVALS/DEPARTURES AT/FROM ORANJESTAD

NOMBER:	FECHA:	FOR DI:	PA:
SOLON	23-4-64	U.S. Atlantic Ports.	Venezuela, Georgetown, Paramaribo
PRINS DER NEDER	24-4-64	Kingston	Curacao, Port of Spain, Southamp-
LANDEN			ton, Amsterdam.
SOPHOCLES	25-4-64	Mobile, Houston,	Curacao, Venezuela, Trinidad, Bar-
		New Orleans	dos, Georgetown, Paramaribo, Cd.
			Bolivar.
BAARN	27-4-64	Europe.	Las Piedras, Barranquilla, Carta-
			gena, Santa Marta, Pto. Limon.
TRITON	30-4-64	U.S. Atlantic Ports.	Venezuela, Port of Spain, Europe,
ORANJE NASSAU	2-5-64	Europe.	Kingston.


### E Cas Di Bo Sonjo na prijsnan practico



cu materialnan di construcion di calidad y na prijs atractiva, esey ta solamente na

**PETRONA & CROES**

### ARUBA HARDWARE HUMCR



"For goodness sakes, Al, let's not quibble over an additional \$200. You know the gentleman doesn't want shabby equipment!"

Pa zaag electrico di e famoso marca

**STANLEY---**

Hasi nos un bishita sin ningun compromiso

### Salud di De Gaulle

PARIS, 20 april. - President De Gaulle ta hanja despues di su operacion qu el a wordu sometido diavienes pasa den Cochín Hospital, masha atencion. Cientos di telegramnan pa un recuperacion ta wordu janja diariamente. Entre esakinan tin tambe varios mensahe mehsahe di Papa Pablo, hefenan di estado y lidernan di gobierno.

Cuminzamentu di otro siman e general lo hanja tur e telegram y carhinan pa un liher recuperacion.

Profesor Aboulker, qu a opera e president awe nochí a bishita president De Gaulle. E no a duna ningun anuncio ora qu el a bandona e cuarto. Circulonnan autorisa a participa awe qu e estado dje president te ainda ta satisfactorio.

Niet in de gelegenheid zijnde persoonlijk afscheid te nemen van al mijn vrienden en kennissen op Aruba, roep ik hen langs deze weg een hartelijk vaarwel toe.

**HELMUT BUCHMANN**

A/B TRANS CARIBBEAN AIRWAYS  
21 april - 1964


### **elga** ARUBA N.V.

Nassautraat 74 - A

ta solicita pa drenta den servicio pronto

- BENDEORAS
- CAHERA
- LOOPJONGEN

Aplicacion por escrito solamente lo worde tuma na consideracion. Dirigi carta na:  
**BOERHA-VESTRAAT 27 - C Stad.**



un  
desajuno  
sabroso  
cla den  
un frega  
di wowo..  
claro cu  
yudanza  
di  
**REDDY!**

Nobo Nobo Nobo

Nassaustraat 34

Nos a caba di ricibi bunita tela, "Dennem" cu no ta machika, den color y disenjos fantastico! Tambe Dacron y Pique nobo, den tur clase di color. Tela nobo pa cortina. Katuna Drip-Dry cu no ta machika. Y corda bon, serca nos semper bon tela na prijs barata!

**FOR SALE**

**1961 Opel Record**

in excellent condition.  
Bernhardstraat 18 C, -  
San Nic. Phone 5575.

### CONSTRUCCION MURAYA HAAF ORANJESTAD

ORANJESTAD, 19 april. - Bestuurscollege i territorio insular a dicidi pa duna e gunning di e segunda parti di e proyecto di haf Oranjestad, esta construcion di e muraya di haf, pa e suma di Fls. 4.076.331.-- na e

compania Combinatie Koninklijke Maatschappij voor Havenwerk en NV/South American Construcion Company N.V., cual combinacion tabatin e oferta mas abao durante e destajo cu a worde teni ultimamente.



## Apuntes Editorial

EXPRESION LIBER  
DI OPINION

Redaccion di e diario aki alanza ultimamente un idea nobo. Cu e intencion di haya den corant riba tur sorto di asunto y situacion mas opinion, cu e opinion di redaccion so y esun di e hendenan cu ta duna nan punto di bista na diferente ocasion na nos reporteronan, nos a dicidi pa invita un grupo chiquito di habitante di Aruba pa duna nos nan opinion riba un tema cu nan ta considera importante.

Nos no a pone ningun limitacion na nan pa loque ta e tema, ni pa loque ta e largura di e articulo. Tambe nos a priminti di publica e articulo di nan sin kita nada afo ni pone un nota di redaccion bau di dje.

E personanan cu nos a invita ta diferencia hopi di conviccion politico, raza, estado social y den nan interesnan. Nos ta spera di por publica pronto nan contribucion den e diario aki den un rubrica nobo, cual nos lo yama "Mi Opinion."

Pues intencion di e rubrica nobo ta: laga nos lectoran sera conoci cu ideanan y puntunan di vista diferente na esunnan cu nanta haya mira normalmente den e columnanan aki. Di e manera ey Arubaanse Courant ta spera di por contribui pa desarrola un di nos idealnan democratico mas importante: e expresion liber y e formacion liber di un opinion propio. Y pa logra esaki den e mehor forma posibel, nos a scohe for di un cuminsamento personanan di caracter completamente diferente y nos a laga nan completamente liber den e scohemento di nan tema.

Nos ta spera, tanto pa nos lectoran como pa nos mes, cu e prueba aki resulta exitoso y cu e personanan cu nos invita, lo yuda nos pa pone den practica e principionan di democracia y cu nan lo haci esaki den un forma democratico, esta, cu "cara abierta."

Hopi biaha nos ta ripara den nos mes, cu nos ta papia riba democracia, pero cu nos no ta esfuerza nos mes pa haci esaki un concepto vivo den nos mes, di manera cu nos mes, cu ta biba bau di un regimen de-

## Carta abierta

Sr. Redactor,  
Masha mi ta aplaudi bo plan, pa pidi algun persona for di nos comunidad pa expresa nan opinion den bo diario, cual ta hopi lesa, tocante cierto temanan, cu na prome lugar ta referi na Aruba. E hecho cu bo a pidi ami tambe, naturalmente mi ta aprecia masha hopi y mi por dunabo e seguridad, cu cada biaha cu esey worde deseá y cu esey ta posibel, gustosamente lo mi duna mi cooperacion. Mi ta aplaudi bo plan, pasobra mi ta di opinion cu ora e publico lector haya oportunidad di lesa varios y hopi biaha opinionnan diferente, e lo ta den un mehor posicion pa forma un propio opinion, si e no tin e caba y di e manera ey e ta keda al corriente of e ta bini al corriente di asuntonan, cu ta interesa nos tur y seguramente ora ta trata di problemanan relaciona cu nos mes isla.

Tambe mi ta aplaudi bo plan pasobra den mi opinion ta socede muchu biaha cu nos ta sinti tentacion pa pensa cu "kende no ta cumi, ta contrami" y cu nos no ta realiza cu den un democracia manera esun di nos, nos mester tene cuenta cu otro hendenan tin un opinion diferente y cu e balanzamento di e diferente opinionnan y puntunan di bista aki, hopi biaha hasta ta duna e unico solucion correcto.

Talvez cu e grupo di hende aki entre nos, cual afortunadamente ta chiquito, door di lesa continuamente e rubrica "Mi Opinion" lo bira conciente di nan punto di bista robes y cu nan lo realiza e gran importancia di e expresion liber di opinion, y hasta lo mi kier bisa cu nan lo realiza e gran necesidad di e expresion liber di opinion.

Un biaha mas, bo por conta riba mi.

Roberto Lopez Henriquez.



Na cobamento pa un di tres aquaducto na Grossmittel den cercania di Wenen nan a hanja un lugar caminda un gran cantidad di granata nan cu gas mosterd di segunda guerra mundial tabata dera. Parse cu aki mester tin un cantidad di mas o menos 32.000 granata di un grandura basta formal. E portret ta muestra nos, expertonan cu bisti special y bao di guardia recuperando e granatanan sumamente ligroso. Awor e pregunta ta unda pa desaparese cu e projectielnan aki.

PIANORECITAL DI  
MARY OSIECK YBES

Via nos redaccion na Aruba.  
Di nos colaborador A.D.


Diavienes anochi e pianista hulandes Mary Osieck Ybes a duna un concierto den Centro Cultural bao auspicio di Arubaanse Kunstkring. E programa a worde habri cu e "Fantasia" den do bemol di Johann Sebastian Bach, un musica cu a worde toca cu e lihereza propio di un clavecimbel. Ta un tarea dificil pa duna e musica di clavecimbel tur su valor riba un piano. Pero e mannan di sra. Osieck a crea pa nos toch tur e buniteza cu ta caracteristico pa e musica di Bach. E belada di Chopin den sol menor nos no a hanja asina bon. Talvez e tabata mucho seco, pero sin embargo el a worde toca cu un agilidad envidiable.

Nos a goza di e musica di Bartok, cual musica sra. Osieck probablemente ta gusta mas cu e sonido caluroso di Chopin.

Un berdadero sorpresa tabata pa nos e musica di Daquin ("Le Coucou") y di Debussy ("Prel. 2 'La Puerta del Vino'" cu a worde toca na lugar di e Valse di Ravel... Un contacto magnifico entre pianista y instrumento y door di esey tambe entre musica y e sala. "Musica shinishi di platea", Diepenbrock a bisa y esnan cu a tende sra. Osieck lo a comprende e termino aki. Nos ta masha agradecido p' esey. Despues di e intermedio e pianista a ofrece nos e cuento "L'Histoire de Babar" di e compositor Francis Poulenc, kende a fallece anja pasá. Un hombre cu un curazon amplio, un berdadero yiu di e musanan. Esun cu a yega di mira su cara, sabi ta kiko nos kier meen y esun cu a tende sra. Osieck toca tambe sabi. Nos a goza di dje y tambe nos mester gradici sra. Geurts, cu a recita perfectamente e texto cu ta pertenece na e musica. Desafortunadamente tabatin solamente un cien persona den e sala pa goza di e anochi aki di bon musica.

## ELGA TAMRE RA ARUBA

ORANJESTAD, 21 april. - Na cuminsamento di luna di mei venidero, un empresa grandi estableci na Corsow den ramo di instalacionnan electrico, aparatonan electrico, refrigeracion y cosnan asina, lo habri su portanan den centro comercial na Aruba, den Nassaustraat.



ELGA a ocupa e edificio nobo den skina di Nassaustraat-Oude Schoolstraat. Un dje "linianan" mas importante di ELGA ta su agencia di Westinghouse. Nos a worde informa cu hefe dje negoshi aki lo bira senyor Jan E.J. Visser. Tambe nos a tende cu plannan ta existi pa dreña den sociedad cu un dje empresanan

di instalacion electrico na nos isla, door di cual ELGA lo por ofrece servicio directamente y rapido na su clientenan. Un decision tocante esaki ta worde spera masha pronto. Na Corsow ELGA tin como cuater-cien empleados den servicio.

Auto e dal humber mato  
y despues sigui corro

Oranjestad, 21 April. - Den anochi di diaSabra pa diaDomingo banda di mas o menos 11.30 un auto a pasa dal un humber. E accidente aki a sosode riba e caminda cu ta bay di Calabas pa e warda di polis di Noord. Segun e heridanan cu e humber tabata tin, nan ta constata cu e humber aki mester tabata drumi riba caminda, y cu un auto a pasa riba dje. E victima, Mario Kelly 26 anja. Soltero y tabata biba na Calabas 15 a worde haya poco

despues tur na sanger y a worde hiba pa hospitaal. Diadomingo atardi, algo pasa di 5'or el a muri na hospitaal. Departamento di trafico di polis ta haciendo un investigacion fuerte, pa haya e culpable, cu despues di e accidente a corre bay y te cu ayera mainta no a bin avisa polis. Polis ta pidi publico pa yuda busca e chauffeur, kende aparentemente no tin e valor, di carga e consecuencianan di su hechonan. Nota un simple accidente, pero ta un hende a worde mata. Esaki ta di 6 morto di accidente di trafico na Aruba e anja aki.

Gezaghebber dia  
24 cu verlof

ORANJESTAD, 21 april. - Otro siman diavienes 24 di april, Gezaghebber huntu cu su senjora y yiu nan lo sali cu "Prins der Nederlanden" di KNSM pa cuminsa di un verlof bien merecido na Europa. Durante su ausencia - sels - una segun ta worde accepta - Senor I.S. de Cuba deputado lo ocupa e puesto.

## AVION MILITAR A CAI

Rome, 21 April. - Un avion militar di e tipo C-119 di forsa aerea Italiano a cal den laman banda di Pisa segun participa. Bordo di e avion tabatin sels persona. Te awor aqui nan a haya cadaver di un di e ocupantenan.

Bertie Viapree  
na synoda

San Nicolas, 20 april. - Diamars sr. B.L. Viapree, anciano di e Iglesia Metodista na Aruba, lo biaha pa British Guyana pa asisti aya na e Synoda Provincial di Iglesiasnan Metodista. Sr. Viapree ta representante di e distrito di Islanan di sotavento. E synoda aki ta worde teni cada dos anja y ta atrae semper hopi delegado. Nan ta spera durante e Synoda aki e acercamiento entre Iglesia Anglicano y Metodista de e Reino Uni lo worde tratá atrobe. Sr. Viapree ta spera ademá cu lo tin riba e agenda tambe e ingreso di e Iglesia Metodista riba Antillas den e Union di Misanan Protestant aki.

## TOASTMASTERS ARUBA A PER DE NA CORSOW

Oranjestad - E combate entre Toastmaster club di Aruba y Corsow, cu a worde teni durante weekend pasa na Corsow, tabata un victoria pa Corsow cu un score di 71 1/2 pa 57 Corsow a gana, mientras cu senjor Siegfried Rigaud di e Toastmaster Curazolenjo a gana e prijs pa e mehor orador individual.

Cda club a manda un delegacion di tres miembros, uno pa papia ariba un obheto duna pa e club adversario, uno pa papia ariba un obheto cu e mes a escohe y di tres pa papia ariba un obheto sin reparacion, esta cu e por a saca for di un envelopo poco prome cu e descucion acuminsa. Pa e ultimo categoria aki Aruba a endica senjor Morris Serphos,

## Mac Namara ta asfalta caminda nobo

ORANJESTAD, 19 april - Despues cu Dienst Openbare Werken a hanja un oferta di McNamara Corporation Ltd. pa asfalta e parti nobo di e caminda grandi Oranjestad- San Nicolas, cu ta keda entre Fergussonstraat y caminda Sta. Cruz-Balashi, Bestuurscollege di Aruba a dicidi pa duna e compania menciona e trabao pa e suma di Fls. 64.300,--.

Apart di esaki otro gastonan lo worde cubri pa gobierno mes manera pa trabaoonan di jenamento, randnan di acera, construccion di un duiker pa e brug banda di Mahuma etc.

E trabaoonan aki pa propio gasto ta worde calcula pa e suma di Fls. 312.200, --, di manera cu e gasto total pa e proyecto aki ta bin sali Fls. 676.500,--.

Intencion ta pa asina cu e contractnan ta firma pa cuminsa e trabaoonan.

## Alcade a duna Desculpa

BRUSELAS, 18 april. - Den un carta abierta burgemeester Lode Craeybeck di Antwerpen a duna su disculpa pa expresionnan anti hudio- qu el a haci durante un bon glas di serbes. E ta duele, qu pa esaki tin preocupacion y ta demostra qu palabranan glorioso qu esaki no tabata su intencion.

Burgemeester Crayenbeck, a mostra, qu foi mucha e tabatin bon contacto qu organisacionnan zionista, y qu e ultimo anjanan e a hisita Israel un paar di blaha y qu varios blaha el a demostra publicamente su admiracion pa sentimentu fraternal pe pueblo Israelita den mundu.

## CAMPEONATO AJEDREZ NA ARUBA A CUMINZA

Oranjestad, 20 april. - Tur anja na augustus ta worde hunga e campeonato di ajedrez entre e campeonnan di Aruba y Corsow. Segun e plannan existente, esey lo socede e anja aki atrobe.

Riba ambos isla ta worde hunga actualmente e partidonan pa dicidi kende lo bira campeon. Na Corsow mester worde hunga un play-off entre tres hungador. Na Aruba a cuminsa diahuebs dia 16 di april un play-off entre seis hungador. Naturalmente e campeon Antillano W. de Boer ta favorito. Ya ta cuater blaha caba cu el a conquista e titulo campeon di Aruba consecutivamente y na anja 1963 el a logra hasta pa derrota e di Corsow y bira asina e campeon di Antillas.

E seis competidornan, cu ta participa na e play-off na Aruba ta:

kende a toca e suertepa papia tocante "poetanan tabisa cuturcos por worde logra cu amor" Kiko ta orador su opinion tocante esaki? Senjor S. Rigaud, kende tambe sin preparacion mester a papia tabatin un mas suerte. Su obheto tabata: pa bo ta cua ta ventananan y desventananan pa union internacional di sindicatonan obreiro Antillano. E ex-deputado aki di Corsow mes ora a declara cu esaki tabata net un obheto na su smaak como cu ta un obheto cu tin su interes completo. Nada stranjo cu senjor Serphos a keda poco atras den punto contra senjor Rigaud. Senjor F. Schuit di Aruba a bai un poco mas peor ainda, e la hanjeie obliga di papia tocante e obheto "Dannan ta satisfeco cu e leynan di igualdad" y a perde basta serio contra senjor Jossy Martina kende a hanja un bunita obheto: Antillas Neerlandes; Un babylon di idiomas oradornan pa obhetonan liber tabata senjores Albert Raven di Aruba contra P. Rojer di Corsow. Senjor Raven su obheto tabata "John doe joins another organization" na cual ocasion el a mostra ariba e punto con semper ta e mes personanan, kendenan ta haci un trabao pa organisacionnan social of clubnan, Senjor Dajer tabatin como obheto "Public relations begin at home" den juri tabata Mr. J. Schildkamp (presiden), Drs H. Sprock y senjores R. Lopez Henrquez. E maximo cu cada club por a alcanza tabata 90 punto pa cada club. Corsow a sali cu 71 1/2 y Aruba a sali cu 57 punto. E obhetonan obligatorio pa e club di Corsow a worde duna pa Aruba y vice versa.



E week-end cu a pasa a tuma lugar na Hotel Curacao Intercontinental e concurso entre e mihor oradornan di Aruba Toastmasters y Curacao Toastmasters. Corsow a resulta vencedor cu 71 punto pa 57. Senjor S. Rigaud di Corsow a resulta e mihor "papiador" y a ricibi for di manan di senjor Arturo M. Arends, presidente interino Camara di Comercio di Aruba, un schild cu inscripcion como e promer premio. Ariba e portret nos ta mira di robez pa drechi, senjornan Arends, Rigaud, Martina, Rooyer, Mitchell y Raven.



Aki presidente Johnson ta presenta na huez Anna M. Kross e Eleanor Roosevelt Gold Candlestick Award pa su dedicacion sin interes pa humanidad. Senjora Kross a nace na Rusia, y a bay Merca tempo cu e tabata mucha. Anja pasa el a worde nombra Dama di Anja door di e American Association of University woman.

P. Bongers, W. de Boer, W. Croes, B. Gruszecki, R. de Vries y G. Admiraal.

E intencion ta pa hunga tur siman un rond, cu excepcion di e siman di Anja di La Reina y e dia di Ascension. E prome rond a duna solamente un resultado, esta W. de Boer vs. W. Croes 1/2 - 1/2.

## Kiebra diplomatico di Brazil y Venezuela

BRASILIA, 21 april. - E ministerio di exterior a participa cu muy a su pesar e no por acepta e motibunan pa cual Venezuela a kibra relacionnan diplo-

matica cu Brasil.

E actitud di gobierno na Caracas lo no contribui pa reforsa e organisacion di estadonan mericano y democracia riba e contingente mericano, asina e declaracion di Brasil a bisa.

Venezuela a kibra e relacionnan despues cu presidente Goulart a worde destitui pa un revolucion militar.

## Proceso na Brunswijk

BRUNSWIJK, 21 april. - Cuater ex-oficial di SS, a worde condena na Brunswijk na castigunan di prison cu ta varia entre cuater te cinco anja pa motibu di nan complicidad den asesino riba Hudiunan Polaco na Minsk durante ultimo guerra mundial. Un di cinco acusado a sali liber.



## CONFERENCIA COMERCIAL MUNDIAL

GINEBRA, 21 april. - E trata-  
mentu di preferencia cu 18 pais  
Africano cu ta asocia cu e comu-  
nidad economico Europeo ta  
ricibi actualmente, no a wordu  
duna na 75 pais afri Aziatico y  
Latino Americano cu ta repre-  
senta ne conferencia tocante co-  
mercial mundial na Ginebra, y  
cu a tene un reunion pa stipula  
un proyecto, cu ta trata exclusi-  
vamente tocante abolimentu di im-  
punitasionnan pa comercio den ma-  
terias primas. Den un resolucion  
di proyecto, firma pa 36 pais  
dje mundu menos desarrollo, nan

ta parti den un periodo di 10 anja  
e halamentu poco poco aden di  
segun nan preferie renstianan des-  
criminante, cu e paisnan desaro-  
lla den cuadro dje asocacion  
entre EEG y paisnan Africano.

Den e proyecto nan ta reconoce,  
cu paisnan Africano, mester  
ricibi pago di danjo por medio  
di forzanan nobo di ayudo, cu no  
ta contene ningun descriminacion  
pa paisnan separa di desarrollo.

E proyecto di resolucion ta firma  
pa 19 pais Latino Americano y 20  
pais Africano.

## MISION HULANDES PA CHINA ROJA

SCHIPHOL, 21 april. - A sali pa  
China Comunista foi Schiphol un  
mision Ulandes comercial. E mi-  
sion ta bow di direccion di sen-  
jor Sidney van den Bergh, pre-  
sidente dje camara central di  
progreso comercial, cu a orga-  
nisa e viahe pa republica popular  
Chines. Fin dje mision ta pro-  
greso di comercio entre Ulanda  
y China Roja. E bida comercial  
a mustra masha interes pe ini-  
ciativo aki. Un como 30 empresa  
a manda un represent; di  
cada empresa tabatin hasta dos  
o mas participante cu kier a haci  
e viahe riba nan propio cuenta  
den compania di nan esposa.

## DEN UN SIMAN 17 REFUGIADO

HAMBURGO, 21 april. - E ul-  
timo fin di siman 17 Aleman O-  
riental entre quende dos guardia  
di frontera di Alemania Oriental,  
a logra hui pa Occidente.

Un guardia di frontera di 21 anja  
a pasa dos verpleegster di Ale-  
mania Oriental frontera di Ber-  
lin y despues a pidi e mes asilo.  
Sobra refugiadonan a hui den  
grupo pa varios otro parti di  
Alemania.

## IRREGULARIDAD

Bolivia, 21 April. - Den e pro-  
vincia Omasuyos na Bolivia,  
unda campesinonan a dicidi di  
tene un welga y a bloquee e ca-  
mindanan entre e territorio aqui  
y e capital, tin un inmensa ten-  
sion ta reina. Segun informe  
e welga a wordo organisa pa mo-  
tibo di asesinato di Felipe Flo-  
res, lider di campesinonan y de-  
legado na e parlamento nacional.  
El a muri, bou di circunstancia-  
nan cu no a wordo aclara com-  
pletamente ainda.

## PRINCEPE SOEVANNA PHOEMA A WORDE ARESTA

SINGAPORE, 20 april. - E pro-  
me minister neutralista di Laos,  
principe Soevanna Phoema, a wor-  
du aresta pa trupanen derechista  
na Vientiane, segun Merca aten-  
de di circulanon bon informa-  
na Singapore.

E principe Soevanna Phoema  
di 63 anja cu foi 1962 ta prome  
minister di Laos, su tata tabata  
rey Sisavang Vong cu a muri  
ultimamente. Aoevanna Phoema  
a hanja educacion na Francia.  
El a traha algun anja como in-  
geniero. Despues cu di 1951 te  
1954 e tabata prome minister el  
a ocupa pa dos anja e puesto  
di minister di defensa. Na anja  
1958 el a bolbe bira prome mi-  
nister. Su gobierno di coalicion  
di neutralistanan, y derechista  
y izquierdista a derumba. Des-  
pues el a bira embahador na  
Francia. Despues di un golpe  
di estado na 1960 Soevanna Pho-  
ema a bolbe bira prome minister  
di un gobierno di coalicion na  
1960 e principe a sali pa Cam-  
bodia, despues cu tabatin bringa-  
mentunan serio entre trupanen  
di gobierno y forzanan di guerra  
di Pathet Lao pro comunista.  
Principe Been Oem, un anti co-  
munista, a tuma su puesto over  
y a pidi principe Soevanna Pho-  
ema di regresa. Despues di deli-  
beracionnan entre etrespartido-

nan di principe a bira prome  
minister dje gobierno di coal-  
cion di neutralistanan na 1962.

## Iglesia Orthodox na Rusia no ta persigui

Paris, 21 April. - Mgr. Nicodim  
e metropolitano di Leningrad y  
Ladoga, a ninga na Paris cu na  
Rusia nan ta ehecuta presion ri-  
ba iglesia orthodox. El a bisa cu  
seramentu di tres seminario -  
locual a sosode recientemente na  
Rusia - ta debi na falta di voca-  
cion. Especialmente den Sur di  
Rusia algun iglesia a wordo sera  
pasobra algun parroquia eynan a  
drenta otro. E metropolitano ta  
na Francia pa presidi e comi-  
sion ecumenico di e conferencia  
christian di paz.

## Desorden racial na Guyana Ingles

Georgetown, 21 April. - Tabatin  
irregularidadnan na Guyana In-  
gles na 15 kilometro for di Geor-  
getown entre hendenan di coio y  
hindunan. 25 Persona a wordo he-  
rida. Cincu di nan ta grave.



Durante su bishita na Oaxaca La Reina Juliana mester a tene su sombre  
di pluma duro pa esaki no wordo hiba door di biento.... y naturalmente  
principe Bernhard tabata tey cu su movie camera pa no laga nada di e  
biaha bai perdi si filma esaki.

## Discurso Tito

BELGRADO, 21 april. - Presi-  
dent Tito di Yugoslavia a bisa  
na inauguracion di e di cinco  
congreso di federacion Jugoslavo  
di trabao, cu mayoria di e obre-  
ronan di Yugoslavia no ta haya  
suficiente sueldo. El a insisti  
pa revisa e politica di inversion  
cu e intencion pa aumenta e nivel  
di bida.

E president di Yugoslavia ta  
haya cu e obreronan tin pleno  
derecho riba un mihor standard  
di bida.

## Di cuatro yui di Reina Elizabeth

LONDEN, 21 april. - E di cuater  
yiu di reina Elisabeth di Ingla-  
terra, cu ya tin seis siman, lo  
haya e nonibernan Edward Antho-  
ny Richard Louis y e io wordo  
yama prins Edward.

E ceremonia di bautizo lo tuma  
lugar dia 2 di mei den un capilio  
di e castilio Windsor.

## Arrestacionen na

Seoul

Aseoi, 21 April. - Polis di Sur  
Corea a arresta 57 estudiante,  
cu tabata demostra huntu cu mil  
otro contra di gobierno. Polis a  
plama e studentenan cubomnan  
lactrimogeno y klop for di otro.

Hopi estudiante y trinta polis a  
wordo herida. Gobierno di Sur  
Corea a avisa cu elo no tolera  
demostracionnan mas, despues  
cu durante di fin di siman estu-  
diantenan a demostra contra e  
negociacionnan cu Hapon, cual-  
nan ta intenta pa recupera rela-  
cionnan comercial normal entre  
e dos paisnan.




# BISANOS

**PAKIKO ??**

**BO TA HAYA**

## Arubaanse Courant

**UN DIARIO ASINA BON ?**



**E contesta  
ariba esaki nos  
kier tende dibo**

**"Pakiko bo ta haya Arubaanse Courant asina bon?"**

***Pa e mihor contestanan nos tin diez premio***

**1 di fl. 25.-**

**3 di fl. 10.-**

**6 di fl. 5.-**

Duna nos bo contesta ariba e pregunta aki, cu menos palabra posibel. Hínke den un envelop y scirbi ariba "Bisanos" y mande pa redaccion di Arubaanse Courant, Nassaustra 85.

**Ultima dia pa participa 25 april 1964**

**E concurso aki ta solamente  
pa abonadonan y nan famia**

Redaccion ta mantene e derecho pa publica e cartanan ricibi hunto cu nomber di participante mesora of despues.





# AGENDA

## ARUBAANSE COURANT

diariamente cu excepcion di diadomingo  
 subscripcion f. 3,25 pa luna.  
 edicion los 20 ct.

edita pa:  
 N.V. ARUBAANSE DRUKKERIJ  
 - en UITGEVERS - en PUBLI-  
 CITEITS MIJ.

imprimi na:

N.V. DRUKKERIJ  
 „DE STAD,”

Telefoon 1116 Directiva y redac-  
 cion, 2116 Anuncio y subscrip-  
 cion.

Directeur hoofdredacteur:  
 D. Wolff.

## RADIO CARACAS TELEVISION

8.45 Senderos de luz.  
 9.00 T.V. Educativa.  
 10.30 Cosas de mujeres.  
 11.15 El hogar y la moda.  
 11.45 Novela.  
 12.00 Noticias.  
 12.05 Show de Renny.  
 13.15 Se necesita una amiga.  
 13.35 Cortos.  
 14.00 Yo se lo vendo.  
 14.30 Documental.  
 15.00 Estudio de Hector Monte-  
 verde.  
 15.30 Perfecta ama de casa.  
 16.00 Mejias y sus muchachos.

16.55 Busque su marca  
 17.15 Loteria  
 17.30 Cero Uno  
 18.00 Ruta 66  
 19.00 Rifle  
 19.30 La Guachafita  
 20.00 El Observador  
 20.15 Yolanda Moreno  
 20.45 Las cosas que yo he visto  
 21.15 Julian Pacheco  
 21.45 Dr. Klidare  
 22.45 Noticias  
 23.00 Cine Americano

POR CUMPRAR ARUBAANSE  
 COURANT NA E SIGUENTE  
 LUGARNAN:

NA ORANJESTAD:  
 BOEKHANDEL MARISKA.  
 PIET SODA FOUNTAIN.  
 REFRESQUERIA INGRID.

NA SAN NICOLAS  
 NICOLAAS STORE.  
 UNION STORE.

## CINE

De Veer: 8.30 p.m. "55 Days  
 at Peking" ali  
 Rialto: 8.00 p.m. "Asi Era  
 mi madre" ali  
 Principal: 8.00 p.m. "Peyton  
 Place" 18 j  
 Aurora: 8.30 p.m. "Contra  
 Viento y Mare" ali  
 Savaneta: 8.00 p.m. "Door -  
 Begeerte Gedreven" 18 j

## BOTICANAN DI WARDA

Nachtdiensten: Oranjestad Boti-  
 ca Oduber Tel: 1780  
 San Nicolas Botica San Lucas Tel:  
 5119

## TELEARUBA

5.30 Cartoons  
 6.00 The Buccaneers  
 6.30 Gov't Info.  
 6.45 Papiamento News cast Live  
 & Filmnews  
 7.30 Rough Riders  
 7.45 Papiamento Sportnews  
 8.15 Local Talent-Live  
 8.45 Lock up  
 9.00 English Newscast Live &  
 Filmnews  
 10.00 77 Sunset Strip  
 10.30 Dangerous Robin

## Welga di K.L.M. na New York

NEW YORK, 21 april. - E welga  
 di e personal terrestre di KLM  
 na New York a cuminsa siman  
 pasa diabierna, mientras cu nan  
 tabata atendiendo un avion cu ta-  
 bata drentando.

E aregio di emergencia cu KLM  
 tin prepara pa e ciansenan di  
 suceso aki, a drenta inmediata-  
 mente en funcion.

E 160 weigistanan no a welga  
 pa nan mes condicionnan di tra-  
 bao, pero pa solidaridad cu obre-  
 ronan di un otro empresa, cu ta  
 afilia na mesun federacion cu nan.

"Transport Workers Union"  
 e otro compania tabatin un a-  
 cuerdo cu KLM pa haci cierto  
 trabaoan na aeropuerto manera  
 carga y descarga bagage, hiba y  
 trece trapinan pa avionnan, etc.  
 etc. KLM a stop e contract y cu  
 fecha di esun di Mei a firma un  
 contract nobo cu un compania  
 igual "Triangle", pero cu ta  
 traha mas barrata. Esaki no  
 tabata na agrado di e federacion.

KLM ta keda dispuesto pa ne-  
 gosha, pero ta di opinion cu ta  
 su asunto cuai compania e kler  
 pa haci cierto trabaoan pe.



E promer ministro Ruso, Nikita Chroestjef Diabierna ultimo a recorda  
 su di setenta aniversario, na ocasion di cual el a ricibi di presidente Bresjnev  
 e Orde di Lenin, tambe Strea di Oro como condecoracion di e premier como  
 Heroe di Union Sovietica.



DOS noben Aleman ultimamente a hui cu un avion sport di Halle pa Oost Ale-  
 mania pa Occidente. Despues di un vuelo di dos oranan a ateriza sano y salvo  
 na Noord-Rijn/Westfalen. Segun informacion di polis, nunca un di e dos ho-  
 bennan a yega di maneha un avion di motor.

## POR FIN E AMOR VERDADERO

### NOVELA

No. 18.

Tur hende ta biba solamente un  
 biaha, mi tambe, y mi bida ta  
 pertenecé serca José. Esey lo mi  
 bisé. "Junto cu bo honor, bo ta  
 lubida hasta bo orgullo. Manera  
 un mendiga, bo kler bay bek serca  
 dje! El a lubidabo, ni sikiera un  
 minuut e ta pensa riba bo. Pensa  
 cu e no tabata skirbibo mes."  
 "Pero ami tampoco. Por tin a-  
 sina hopi razon, pakiko e no a  
 skirbi. Y e lo splicami tambe."  
 "No," su mama agrita, y a cru-  
 za su mannan. "No, no bay, mi  
 jiu, mi ta roagabo! Mira, si José  
 tabata stimabo ainda, e lo a bini  
 toch, ya cue ta akinan." El a bini,  
 mama. El a bini di aleeuw pa bin  
 contra cu mi. Si mi serami wowo-  
 nan, el por miré cla, clá mi di-  
 lanti. El lo bira, y e ora ey  
 tur e mal sonjo di mi lo pasa."  
 "Brigit, ta asina hopi bota stime  
 anto?" "Bo no tabata sa, mama?  
 mi a jega di bisabo cu nota asina?"  
 Pero toch tabata parce, cu hopi

a lubide. "No, mi no a lubide, mi  
 tabata duda di dje, y pesey mi  
 mester pidié pordon awor. Pero  
 kiko esey ta nifica, si mi por bira  
 felis atrobe!" Cordialmente Brigit  
 a sunchi su mama riba su cara.  
 "Mi ta contento cu porfin bo a  
 comprendemi, mama," el a bisa a-  
 livia. "Y ora mi bin bek, lo mi  
 skirbi Frenky un carta largo. Lo e  
 comprendemi, mama," el a bisa

skirbi Frenky un carta largo. Lo  
 mi splicé tur cos y rogué pa e  
 pordonami. "Pordon?", e mama  
 a ripiti cu un stem tembloroso.  
 "Bo ta kere cu bo por pordon  
 ami tambe?" Parce cu Brigit no  
 a comprende nificacion di e pre-  
 gunta, y ta pesey cu el a hari,  
 mientras el a bisa: "Pero mi no  
 tin nada pa pordonabo, mama bo  
 mester primintimi, pa bira feliz  
 junto cu mi, okay?" Helena Fos  
 a sonrei. Ora cu e tabata su so, el  
 a cay sinta den un stoel y a tapa

su cara cu su dosmanan. "Tur lo-  
 ke mi tabata kler, tabo felicidad,  
 mi jiu," el a bisa pocopoco. "Dios  
 laga, si bo por alcanzé ainda."

x x x x

Si José y Laura a tende, cu na  
 Frankfurt nan lo haya mas sosie-  
 go, pronto nan mester a ripara  
 cu no ta asina. Te dene vestibulo  
 di e hotel, mucha muhé jong a  
 drenta pa pidi José un autogram.  
 Na principio, José no tabata  
 worry mucho, pero despues si el  
 a cuminsa sinti fastioso. Ora e  
 cu Laura tabata sinta junto ta de-  
 sayuna, e tabata sintie mas alivia.  
 "Bo no sa con contento mi ta, cu  
 porfin e ultimo dia a jega. Awe-  
 nochí, despues di e concierto nos

a bay mes ora, tende? Y awe,  
 ningua ta drenta mas! Ora cu mi  
 bay train, bo ta serra e porta na  
 yabi. Y mi ta avisa e portero  
 tambe! "Toch ta un dia so, José  
 no ta nada." Laura su cara abira  
 un poco corra. "Tur cos abira a-  
 sina bunita di riende? Jose, no  
 keda mucho, tende?" Pa un rato  
 Laura a pone su cara contra José  
 su pecho, y cu ternura José a  
 caricia su cabeynan. "Mi ta corre  
 hibabo un rato arriba," Jose a  
 bisa, ora cu nana salibay. E por-  
 tero a keda mira e mucha muhe cu  
 atencion, kende algun rato despues  
 a presenta den e vestibulo di e ho-

tel. E tabata masha bunita. Cu ki-  
 ko mi por yudabo, Juffrouw, "el a  
 puntra cu un stem extra contento.  
 "Wel, mi ta buscando un hende, cu  
 ta keda den e hotel aki, su nomber  
 ta Jose Marel, e dirigente." Asina,  
 "bo kler abai serca Sr. Marel,  
 mi no a spera esey." Naturalmente  
 Brigit no a comprende loke e  
 meneer kler a bisa cu e palabran-  
 nan ey, y asombra el apuntra: "E  
 no ta akinan anto? Mi mester pa-  
 pia cu né." "Mi no ta kere cu esey  
 lo ta posibel, Srta. E ta akinan en  
 berdad, pero e trahando y e no kler  
 pa ningun hende bin strobé." Pero  
 mi mester papia cu né, ta algo im-  
 portante. Si bo bisé asina, e ta bi-  
 sa mesora pa lagami drenta." "Mi  
 ta duda esey, pasobra el a caba di  
 bisami, cue no kler ningun bishita  
 na e momento aki. Keremi, bo ta  
 keda cansa si henter dia bo mester  
 skirbo bo nomber." "Oh," Brigit a  
 bisa hariendo. "Awor numami ta  
 comprondebo, pero no ta esey mi  
 kler. Mi kler papia na privado cuné  
 "Na privado? E portero a bisa po-  
 co poco. Y despues e di: Bo sa si  
 "No worry, e ta rabia cu bo." Bri-  
 git a primintí, y e portero por a  
 ripara con contento Brigit su cara  
 a bira. "Bo conocé Sr. Marel anto,"  
 si, for di tempo cu mi tabata chikí-  
 to mi conocé e." E portero nes-  
 ter a hari, y den su mes e ta pensa,  
 cu nunca el a mira un bunita mu-  
 cha muhe asina. "Wel, drenta nu-  
 ma y bati na kamer 72, prome pi-

so." Brigit a gradici e homber y a  
 corre subi e trapu. Y ya el a jega  
 na e porta di José su kamer.  
 E tabata sinti su curazon ta bati  
 te den su garganta, y e mester  
 a keda para un rato keto. Pero  
 su curazon no tabata bati di  
 miedo. E tabata sinti un alegría  
 inmensamente grandi. El a bati  
 na e porta, y e no a haya nada  
 strango, cu un stem di muhé a  
 bisé pa drenta numa. Cu un son-  
 risa riba su cara, el a habri  
 e porta. Laure a sinti con su  
 rosea a choké. Pero ta solamen-  
 te Brigit su belleza a pone span-  
 ta asina, pasobra ainda e no a  
 reconocé e bishitante. "Notuma-  
 mi na malo", Brigit a bisa.  
 "Mi ta busca Sr. Marel... mi  
 no ta den kamer robez, no?"  
 Poco poco Laure a lanta para  
 y el a sinti con e vloer bou di  
 su pia tabata balla. E portret  
 cu tabata riba José su lesse-  
 naar! Mi conocé e cara aki, e  
 wowonan, e boca... Kier meen  
 cu toch el a bini, y tur e resto  
 no ta berdad. Pasobra ta asina  
 un muhé por ta, cu a bin busca  
 e homber cu su curazon ta an-  
 helá.... No, no, mi no kler. No  
 por ta berdad, José ta di mi!  
 Tenebo calma, Laure. Nada no  
 por pasa. Si bo actua trankil  
 y usa bo sinti. "Bon dia",  
 Laure a bisa porfin. "Si, e  
 kamer aki ta correcto, pero  
 Sr. Marel no ta akinan awor".  
 E ta sigil....



RIP KIRBY

pa cortesía di:

JAN BODEGOM &amp; CO (ARUBA) N.V.

Agente exclusivo di FRIESCHE VLAG lechi evaporado y lechi en polvo

MAXWELL HOUSE KOFFIE.



CISCO KID

pa cortesía di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ



PEPITA

with compliments of



OFICINA MARITIMA DE ARUBA

DOCUMENTATION &amp; TRANSPORTATION

FOR INCOMING, LOCAL &amp; OUTGOING CARGOES BY AIR, SEA AND LAND



DICK TRACY



## Horoscopo personal

**ARIES**-21 di maart-20 di april.  
Bo mester atende asuntunan comercial inmediatamente. Confia den bo propio conocimentunan.

**TAURO**-21 di april-21 di mei.  
Mantene bo mes alerta te na e proyectonan oportuno conduci- bo na mayor oportunidadnan. Amplia e base di bo actual proyec- tonan pa bo por obtene mihor resultadonan.

**GEMINIS**-22 di mei-21 di juni.  
Tin excelente oportunidadnan pa converti un derrota den un lifa recta di exitonan.

Reconsidera bo posicion, no actua cu mocionnan preconcebí.

**CANCER**-22 di juni-23 di juli.  
Apega bo mes na rutina. Quizas lo bo haña bo plaga di sueñonan ignora na lo mas mihor cu bo por.

**LEO**-24 di juli-23 di augustus.  
Tene masha cuidao di no pone bo pensamentunan por escrito. Duna bo mes un oportunidad di cambia di parecer.

**VIRGO**-24 di augustus-23 di september.  
Bo por progresa bastante si bo sigi e caminda di un otro persona. No hasi nada temerario.

**LIBRA**-24 di september-23 di october.  
Bo relacionnan cu otro personanan quizas lo resulta poco confusa, ainda desconcertante. Depende di bo propio pensamentunan.

**ESCORPION**-24 di october-22 di november.  
Indicionan superficial quizas no ta bisa berdad. Analisa tur loke bo ta propone pa hasi e dia aki.

**SAGITARIO**-23 di november-22 di december.  
Esaki ta un bon dia pa bo pone e cosnan no importante un cantu.

**CAPRICORNIO**-23 di december-20 di januari.  
Evita di mescla bo mes cu e personanan, cu cual bo no tin nada comun.

**ACUARIO**-21 di januari-19 di februari.  
Cuida bo mes contra cualquier cos cu por perhudica bo salud. Evita di hasi decisionnan a wor relativo cu contractnan nobo o acuerdonan verbal.

**PISCIS**-20 di februari - 20 di maart.  
Disminui bo paso lentamente, pasobra di otro manera bo no por obtene nada si bai pura. Un error den bo hucio por resulta costoso.

## Golpe di estado na Laos

MAINZ, 19 april - Ne frontera di Luxemburgo y Alemania Occidental nan lo lanta un reservado comun di naturalesa. Un tal tratado di estado ayera a wordu firma na Mainz pa e ministernan di Luxemburgo Pierre Greigore y Paul Elvinger y e Prome Minister dje estado di Alemania Occidental Rijnland Palts, Peter Altmeier. E reservado di naturalesa aki ta contene un terreno di 20 km cuadra dicua 385 km cuadra ta keda ne frontera Aleman.

## QUESTION CYPRUS

ANKARA, 20 april. - No ta imposibel pa soluciona e kestion Cyprus pero lo costa hopi tempu, segun e mediador di Nacionnan Uni Sakari Tuemieja ayera a participa na fin di su deliberacionnan na Ankara. E puntunan di bista dje partidonan relaciona ta masja lew fol otro, segun el a bisa. Prome ministro Inenu di Turquia a laga Tuemieja sa, cu Turquia lo no acepta ningun solucion Cyprus cu un ta un sistema federal, segun e minister Turco di asuntunan exterior Erkin a participa prensa.